

佛說興起行經卷下

甚九

奄然上反便推下反墀步反啗齧反齧結二反魚同反磅音上
 普擊反媪洗下反髮頭上反黠耗上反耗力反鼯鼯二反鼯塔二反斟酌音上
 針下之反髮頭上反黠耗上反耗力反鼯鼯二反鼯塔二反斟酌音上
 若下之反髮頭上反黠耗上反耗力反鼯鼯二反鼯塔二反斟酌音上
 諱許反純淑下音媚眉二反舐時只反狐疑音上
 胡膩吒家竹嫁二反挨族燥反堦老堦反回

佛說業報差別經

甚十

隋洋川郡守瞿曇法智譯

如是我聞一時佛住舍衛國祇樹給孤獨園
 尔時佛告力提邪子首迦長者言我當為汝
 說善惡業報差別法門汝當諦聽善思念之
 時首迦言唯然世尊願樂欲聞

乙

楊椿

佛告首迦一切眾生繫屬於業依止於業隨

自業轉以是因緣有上中下差別不同

或有業能令眾生得短命報或有業能令眾

生得長命報

或有業能令眾生得多病報或有業能令眾

生得少病報

或有業能令眾生得醜陋報或有業能令眾

生得端正報或有業能令眾生得小威勢報

或有業能令眾生得大威勢報

或有業能令眾生得下族姓報或有業能令

眾生得上族姓報

或有業能令眾生得少資生報或有業能令

眾生得上族姓報

或有業能令眾生得少資生報或有業能令

眾生得上族姓報

或有業能令眾生得少資生報或有業能令

衆生得多資生報

或有業能令衆生得邪智報

或有業能令衆生得正智報或有業能令衆

生得地獄報或有業能令衆生得畜生報或

有業能令衆生得餓鬼報或有業能令衆生

得阿脩羅報或有業能令衆生得人報或有

業能令衆生得欲界天報

或有業能令衆生得色界天報或有業能令

衆生得無色界天報

或有業能令衆生得決定報或有業能令衆

生得不定報

或有業能令衆生得邊地報

或有業能令衆生得中國報或有業能令衆

生盡地獄壽或有業能令衆生半地獄壽或

有業能令衆生暫入即出

或有業作而不集或有業集而不作或有業

亦作亦集或有業不作不集

或有業能令衆生初樂後苦或有業能令衆

生初苦後樂或有業能令衆生初苦後苦或

有業能令衆生初樂後樂

或有業能令衆生貧而樂施或有業能令衆

生富而慳貪

或有業能令衆生富而能施或有業能令衆

生貧而慳貪

甚十

二

或有業能令衆生得身樂而心不樂或有業

能令衆生得心樂而身不樂或有業能令衆

生得身心俱樂

或有業能令衆生得身心二俱不樂

或有業能令衆生壽命雖盡而業不盡

或有業能令衆生其業雖盡而命不盡

或有業能令衆生業命俱盡

或有業能令衆生業之與命二俱不盡而能

斷除一切煩惱或有業能令衆生生於惡道

形容殊妙眼目端嚴膚體光澤人所樂見

或有業能令衆生生於惡道形容醜陋膚體

麤澀人不喜見

或有業能令眾生生於惡道身口鼻穢諸根殘缺

或有眾生習行世間十不善業得外惡報

或有眾生習行世間十種善業得外勝報

若有眾生禮佛塔廟得十種功德奉施寶蓋

得十種功德奉施繒幡得十種功德奉施鍾

鈴得十種功德奉施衣服得十種功德奉施

器皿得十種功德奉施飲食得十種功德奉

施靴履得十種功德奉施香華得十種功德

奉施燈明得十種功德恭敬合掌得十種功

德是名略說諸業差別法門

甚十

三

佛告首迦有十種業能令眾生得短命報何

等為十一者自行殺生二者勸他令殺三者

讚嘆殺法四者見殺隨喜五者於所怨憎之

人欲令喪滅六者見怨滅已心生歡喜七者

壞他胎藏八者教人毀壞九者建立天寺屠

殺眾生十者戰鬥自作教人互相殘害以是十業

復有十業能令眾生得長命報何等為十一

者自不殺生二者勸他不殺三者讚嘆不殺

四者見他不殺心生歡喜五者見被殺者方

便救免六者見死怖者安慰其心七者見恐

怖者施與無畏八者見諸患苦起慈愍心九

者見諸急難起大悲心十者以諸飲食惠施

眾生以是十業得長命報

復有十業能令眾生得多病報何等為十一

者好喜打拍一切眾生二者勸他令打三者

讚嘆打法四者見打歡喜五者惱亂父母令

心憂惱六者惱亂賢聖七者見怨病苦心大

歡喜八者見怨病愈心生不樂九者於怨病

所與非治藥十者宿食因緣未消而復更噉

以是十業得多病報

復有十業能令眾生得少病報何等為十一

者不喜打拍一切眾生二者勸他人不令鞭

杖三者讚歎不鞭打法四者見不打者心生

歡喜五者供養自己父母及諸病人六者見

賢聖有病患者瞻視供養七者見怨病愈心生歡喜八者見病苦者施與良藥亦勸他施九者於病苦衆生起慈愍心十者於諸飲食能自節量以是十業得少病報
復有十業能令衆生得醜陋報何等爲十一者好行忿怒二者好懷嫌恨三者誑惑於他四者惱亂衆生五者於父母所無愛敬心六者於賢聖所不生恭敬七者侵奪賢聖資生及諸田業八者於佛塔廟之所斷滅燈明九者見醜陋者毀訾輕賤十者習諸惡行以是十業得醜陋報
復有十業能令衆生得端正報何等爲十一

甚十

四

復有十業能令衆生得少威勢報何等爲十一者於諸衆生起嫉妬心二者見他得利心生惱熱三者見他失利其心歡喜四者見他得好名譽起嫉惡心五者若見他失名譽心大忻悅六者退善提心毀佛形像七者於已父母及賢聖所無心奉侍八者唯勸人修習少威儀業九者障他修行大威德業十者見少威德者心生輕賤以是十業得少威勢報
復有十業能令衆生得大威勢報何等爲十一者於諸衆生心無嫉妬二者見他得利心生歡喜三者見他失利起憐愍心四者見他得好名譽心生忻悅五者見失名譽助懷憂惱六者發善提心造佛形像奉施寶蓋七者於已父母及賢聖所恭敬奉迎八者勸人棄捨少威德業九者勸人修行大威德業十者見無威德不生輕賤以是十業得大威勢報
復有十業能令衆生得下族姓報何等爲十一者不知敬父二者不知敬母三者不知敬

甚十

五

沙門四者不知敬婆羅門五者於諸師友尊長而不敬仰六者於諸師長不奉迎供養七者見諸尊長不迎逆請坐八者於父母所不遵教誨九者於賢聖所亦不受教十者輕憊下族以是十業得下族姓報復有十業能令衆生得上族姓報何等為十

一者善知敬父二者善知敬母三者善知敬沙門四者善知敬婆羅門五者敬護尊長六者奉迎師長七者見諸尊長迎逆請坐八者於父母所敬受教誨九者於賢聖所尊敬受教十者不輕下族以是十業得上族姓報復有十業能令衆生得少資生報何等為十

一者自行偷盜二者勸他偷盜三者讚歎偷盜四者見盜歡喜五者於父母所減撤生業六者於賢聖所侵奪資財七者見他得利心不歡喜八者障他得利為作留難九者見他行施無隨喜心十者見世飢饉心不憐愍而生歡喜以是十業得少資生報

復有十業能令衆生得多資生報何等為十
一者自離偷盜二者勸他不盜三者讚歎不盜四者見他不盜心生歡喜五者於父母所供奉生業六者於諸賢聖尊長給施所須七者見他得利心生歡喜八者見求利者方便佐助九者見樂施者心生悅欣十者若見世

飢饉時心生憐愍以是十業得多資生報

復有十業能令衆生得邪智報何等為十一者不能諮問智慧大德沙門及婆羅門二者顯說惡法三者不能受持修習正法四者讚非定法以為定法五者恡法不說六者親近邪智七者遠離正智八者讚嘆邪見法行九者棄捨正見十者若見愚癡惡人輕賤毀訾以是十業得邪智報

復有十業能令衆生得正智報何等為十一者善能諮問智慧聰黠沙門及婆羅門二者顯說善法三者聞持弘護正法四者見說定法嘆言善哉五者樂說真正法要六者親近

甚十

六

正智慧人七者守攝護持正法八者精勤修習多聞九者遠離邪見惡人十者見癡惡人不生輕賤以是十業得正智報

復有十業能令眾生得地獄報何等為十一者身行重惡業二者口行重惡業三者意行重惡業四者起於斷見五者起於常見六者起無因見七者起無作見八者起於無見見九者起於邊見十者不知恩報以是十業得地獄報

復有十業能令眾生得畜生報何等為十一者身行中惡業二者口行中惡業三者意行中惡業四者從貪煩惱起諸惡業五者從瞋煩惱起諸惡業六者從癡煩惱起諸惡業七者毀罵眾生八者惱害眾生九者施不淨物十者行於邪淫以是十業得畜生報

復有十業能令眾生得餓鬼報何等為十一者身行輕惡業二者口行輕惡業三者意行輕惡業四者起於多貪五者起於惡貪六者

嫉妬七者邪見八者慳恡愛著資生即便命終九者病困因飢而亡十者惱逼枯渴而死以是十業得餓鬼報

復有十業能令眾生得阿脩羅報何等為十一者身行微惡業二者口行微惡業三者意行微惡業四者憍慢五者我慢六者增上慢

七者大慢八者邪慢九者慢慢十者廻諸善根向脩羅趣以是十業得阿脩羅報

復有十業能令眾生得人趣報何等為十一者不殺二者不盜三者不邪淫四者不妄語五者不綺語六者不兩舌七者不惡口八者不貪九者不瞋十者不邪見於十善業缺漏不全以是十業得人趣報

復有十業能令眾生得欲天報所謂勝妙具足修行增上十善復有十業能令眾生得色天報所謂修行有漏十善與定相應復有四業能令眾生得無色天報一者過一切色想減有對想等入於空處定二者過一切空處

定一識處定三者過一切識處空入無所有處定四者過無所有處定入非想非非想處定以是四業得無色天報

復有業能令衆生得決定報若人於佛法僧及持戒人所以增上心殷重布施以此善業發願迴向即得往生是名決定報業復有業能令衆生得不定報若業非是增上勇猛心作更不修習又不發願迴向受生是名不定報業復有業能令衆生得邊地報若業於佛法僧淨持戒人及大衆所不生增上勇猛心施以此善根願生邊地以是願故即生邊地受淨不淨報

復有業能令衆生得中國報者若作業時於佛法僧清淨持戒梵行人邊及大衆所起於殷重增上布施以是善根決定發願求生中國還得值佛及聞正法受於上妙清淨果報復有業能令衆生盡地獄壽若有衆生造地獄業已無慙無愧而不厭離心無怖畏反生

歡喜又不懺悔而復更造重增惡業如提婆達多等以是業故盡地獄壽復有業能令衆生墮於地獄至半而夭不盡其壽若有衆生造地獄業積集成已後生怖畏慙愧厭離懺悔棄捨非增上心以是業故墮於地獄後追悔故地獄半天不盡其壽復有業能令衆生

甚十

八

墮於地獄暫入即出若有衆生造地獄業作已怖畏起增上信生慙愧心厭惡棄捨慙懺懺悔更不重造如阿闍世王殺父等罪暫入地獄即得解脫於是世尊即說偈言

若人造重罪 作已深自責 懺悔更不造 能拔根本業

復有業作而不集若有衆生身口意等造諸惡業造已怖畏慙愧遠離深自悔責更不重造是名作而不集復有業集而不作若有衆生自不作業以惡心故勸人行惡是名集而不作復有業亦作亦集若有衆生造諸業已心無改悔而復數造亦勸他人是名亦作亦

集復有業不作不集若有衆生自不造業亦不教他無記業等是名不作不集

復有業初樂後苦若有衆生爲人所勸歡喜行施施心不堅後還追悔以是因緣生在人間先雖富樂後還貧苦是名先樂後苦復有業初苦後樂若有衆生爲人勸導俛仰少施

施已歡喜心無恹悔以是因緣生在人間初時貧苦後還富樂是名初苦後樂復有業初苦後苦若有衆生離善知識無人勸導乃至不能少行惠施以是因緣生在人間初時貧苦後亦貧苦復有業初樂後樂若有衆生近善知識勸令行施便生歡喜堅修施業以是

甚十

九

因緣生在人間初時富樂後亦富樂復有業貧而樂施若有衆生先曾行施不遇福田流轉生死在於人道以不遇福田故果報微劣隨得隨盡以習施故雖處貧窮而樂行施復有業富而慳貪若有衆生未曾布施遇善知識暫行一施值良福田以田勝故資生具足

先不習故雖富而慳復有業富而能施若有衆生值善知識多修施業遇良福田以是因緣巨富饒財而能行施復有業貧而慳貪若有衆生離善知識無人勸導不能行施以是因緣生在貧窮而復慳貪

復有業能令衆生得身樂而心不樂如有福凡夫復有業能令衆生得心樂而身不樂如無福羅漢復有業能令衆生得身心俱樂如有福羅漢復有業能令衆生得身心俱不樂如無福凡夫

復有業能令衆生命盡而業不盡若有衆生從地獄死還生地獄畜生餓鬼乃至人天阿脩羅等亦復如是是名命盡而業不盡復有業能令衆生業盡而命不盡若有衆生樂盡受苦盡受樂等是名業盡而命不盡復有業能令衆生業命俱盡若有衆生從地獄滅生於畜生及以餓鬼乃至人天阿脩羅等是名業命俱盡復有業能令衆生業命俱不盡

若有衆生盡諸煩惱所謂須陀洹斯陀含阿
那含阿羅漢等是名業命俱不盡

復有業能令衆生雖生惡道形容殊妙眼目
端嚴膚體光澤人所樂見若有衆生因欲煩
惱起破戒業以是因緣雖生惡道身體鮮潔
毛色姝妍膚體光澤人所樂見

復有業能令衆生生於惡道形容醜陋膚體
麤澀人不喜見若有衆生從瞋煩惱起破戒
業以是因緣生於惡道形容醜陋膚體麤澀
人不喜見

復有業能令衆生生於惡道身口臭穢諸根
殘缺若有衆生從癡煩惱起破戒業以是因
緣甚十

緣生於惡道身口臭穢諸根殘缺
復有十業能令衆生得外惡報何等為十若
有衆生於十不善業多修習故感諸外物悉
不具足一者其殺生業故令諸外報大地鹹
鹵藥草無力二者以盜業故感外霜雹螽蝗
蟲等令世飢饉三者邪淫業故感惡風雨及

諸塵埃四者妄語業故感生外物皆悉臭穢
五者兩舌業故感外大地高下不平山陵墮
阜株杌丘坑六者惡口業故感生外報瓦石
沙礫麤澀惡物不可觸近七者綺語業故感
生外報令草木稠林枝條棘刺八者以貪業
故感生外報令諸苗稼子實微細九者以瞋
業故感生外報令諸樹木菓實苦澀十者以
邪見業故感生外報苗稼不實收穫尠少以
是十業得外惡報

復有十業得外勝報若有衆生修十善業與
上相違當知即獲十外勝報
若有衆生恭敬禮拜諸佛塔廟得十種功德

何等為十一者得妙色好聲二者有所發吐
言辭人皆信伏三者堂堂處衆無畏四者天
人世間愛護五者具足威勢六者威勢衆生
皆來親附七者常得親近諸佛菩薩八者具
大福報九者命終生天十者速證涅槃是名
禮拜諸佛塔廟得十種功德

甚十

十一

若有衆生奉施寶蓋得十種功德何等爲十
一者處世猶如傘蓋覆護衆生二者身心安
隱離諸熱惱三者一切世間敬重無敢輕慢
四者有大威勢五者常得親近諸佛菩薩大
威德者以爲眷屬六者恒作轉輪聖王七者
勸導恒爲上首修習善業八者具大福報九
者命終生天十者速證涅槃是名奉施寶蓋
得十種功德

若有衆生奉施繒幡得十種功德何等爲十
一者處世猶如寶幢國王大臣親友知識恭
敬供養二者豪富自在具大財寶三者善名
流布遍至諸方四者形貌端嚴壽命長遠五
者常於生處施行堅固六者有大名稱七者
有大威德八者生在上族九者身壞命終生
於天上十者速證涅槃是名奉施繒幡得十
種功德
若有衆生奉施鐘鈴得十種功德何等爲十
一者得梵音聲二者有大名聞三者自識宿

命四者所有出言人皆敬受五者常有寶蓋
以自莊嚴六者有妙瓔珞以爲服飾七者面
貌端嚴見者歡喜八者具大福報九者命終
生天十者速證涅槃是名奉施鐘鈴得十種
功德

若有衆生奉施衣服得十種功德何等爲十
一者面目端嚴二者肌膚細滑三者塵垢不
著四者生便具足上妙衣服五者微妙時具
覆蓋其身六者具慙愧服七者見者愛敬八
者具大財寶九者命終生天十者速證涅槃
是名奉施衣服得十種功德
若有衆生奉施器皿得十種功德何等爲十

一者處世如器二者得善法律澤三者離諸
渴愛四者若渴思水流泉涌出五者終不生
於餓鬼道中六者得天妙器七者遠離惡友
八者具大福報九者命終生天十者速證涅
槃是名奉施器皿得十種功德
若有衆生奉施飲食得十種功德何等爲十

甚十

十二

一者得命二者得色三者得力四者獲得安
無礙辯五者得無所畏六者無諸懈怠為眾
敬仰七者眾人愛樂八者具大福報九者命
終生天十者速證涅槃是名奉施飲食得十
種功德

若有眾生奉施靴履得十種功德何等為十

一者具足妙乘二者足下安平三者足趺柔
輒四者遠涉輕捷勤健五者身無疲極六者
所行之處不為荊棘瓦礫損壞其足七者得
神通力八者具諸給使九者命終生天十者
速證涅槃是名奉施靴履得十種功德

若有眾生奉施香華得十種功德何等為十

一者處世淨妙如華二者身無臭穢三者福
香戒香遍諸方所四者隨所生處鼻根不壞
五者超勝世間為眾歸仰六者身常清淨香
潔七者愛樂正法受持讀誦八者具大福報
九者命終生天十者速證涅槃是名奉施香
華得十種功德

若有眾生奉施燈明得十種功德何等為十
一者照世如燈二者隨所生處肉眼不壞三
者人中得於天眼四者於諸善惡之法智慧
明了五者隨處除滅大闇六者得智慧明七
者流轉世間常不入於黑暗之處八者具大
福報九者命終生天十者速證涅槃是名奉

十二末

施燈明得十種功德

若有眾生恭敬合掌得十種功德何等為十
一者得勝福報二者生於上族三者得勝色
妙四者得勝妙聲五者得勝妙蓋六者得勝
妙辯七者得勝妙信八者得勝妙戒九者得
勝妙多聞十者得勝妙智是名恭敬合掌得
十種功德

今時世尊說此法已首迦長者於如來所得
淨信心

今時首迦頭面禮佛作如是言我今請佛往
舍婆提城到我父所力提長者家願令我父
及一切眾生長夜安樂今時世尊為利益故

嘿然受請亦時首迦聞佛所說心大歡喜頂禮而退

佛為首迦長者說業報差別經十甚十

膚體夫上音鹿澀下上倉胡反反繪幡上自器皿下

反兩鞞靴二同反減撤列下直聰黠八下開天反於小

俛仰免上音鹹鹵咸二字音螽蝗上音終塵埃音下

哀埶阜上音丁同反株杌骨下吾反沙石聲下音稠林

流上直反枝條下音棘刺上居力反收穫下胡渺

少上息反勦健交上反朋